

**ALLAH, ƆDOMFOƆ, MMƆBORƆ HUNUFOƆ NO DIN MU**

Efiada Nyamesem: Kitawonsa Bosome da a eto so 26, wo afe 2014  
(Summary of Friday sermon – 26<sup>th</sup> September 2014 – Ashanti Twi Translation)

**IRELAND ASƆREDAN A EDI KAN:  
ASOMDWOEE ENE MPAEBƆ NYINARA FIE**

Huzur kenkann saa kyefa yinom de hyee ne Fiada nsemka no ase:

‘Ampara se, ono nkoa na ofata se oye Allah asorefie ne nsiesie no so hwesofo, obi a ogye Allah die, ene eda a edi Akyire no na oyo Asore no na otua Zakaat no, na onnsuro obiara ka Allah hoo, enti weinom saa na wose se wobekan won aka wonom a wanya kwankyerere no ho.’ (9:18)

Wode Nyamesemka no too dwa firii Maryam asoredan no mu, Galway, Ireland wo n’ano bue nhyiamu no ase, Nyankopon adom nti, Jamaat Ahmadiyya etumi buee won asoredan a edi kan ano wo Ireland, yesre Nyankopon se Ode N’nhyira no begu saa asoredan yi so wo kwan biara so daa! ewo mu se, asoredan no mu ye ketewa, nanso ne nyinara akyiri no, ede to dwa se, Muhammad Mesia no akyidifo na ebeyo asore mpren num wo emu. Saa asoredan yi de beto dwa se asoredan eye bea a yesom Nyankopon ene adasamma na enye bea a wojo basabasa wo emu na yesi sedee ebeye a yedebesom Ewiase nyinaa Nyankopon no.

Nyankopon a Ode ne Rububiyat (Osorosoro abodin a wode hwe biribi so) eguu adikanfoono so no, Ono a Oma enne yi na Obekoso de ama wo daakye nso abere biara, ne Rububiyat no, enye nipa kuo bi nkoa na Ode dom won o, mmom, Ode dom asaase so nipa nyinara ene won a wojo ewiase no afanan nyinaa mu, wo saa kwan wei so no, saa Muhammad Mesia asoredan yi de to dwa se, se yebetumi anya Rububiyat honhom mu nteasee a, gyese yebeka Muhammad Mesia jamaat no ho. wei ne nkyerkyere a seesei nipa hia paa, ampara se Ewiase no nnhia ntokwa ntokwa ene mogya hwieguo! Yen nsoredan no de toto dwa se won a wobaha no akoma mu no, adwendwene fa basabasao ho biara nni mu, yen asoredan no ye nsenkyerene na eye agyinaso na eye adansedie se won a woba mu beyo asore no, wobo aforee biara de hwehwe nipa faahodie, naa saa kwan wei so nti no abere a wonom wo tema de ma won ho no, mpo atanfo no tan a wode tan won no nnsi won kwan ma won wo won peperepo mu. Saa asoredan yi de to dwa se, Islam na eye esom a ehwehwe faahodie ene aho to na eno nti, abere biara asoredan no pono no abue da ho abere biara, akwansidee biara nni ho ma obi biara a osom Nyankopon koro no se obesom no wo saa asoredan yi mu, se oye Muslimni ana se onnye Muslimni. Ahmadiyyani biara a obo yen asoredan no mu no de to dwa se Kuran Kronkron no nkyerkyere mu no eye Muslimni biara asodie se obo mmea a yejo ho asore no ho ban na saa nso na ehia paa se yebo yen asoredan yi ho ban.

Saa nsem yi nyinara no, Kuran Kronkron no de ato dwa na Komhyeni Kronkron no nso etae twe yen adwene ko so yie paa na ampara ohyee n’asodie de ma Nyankopon ene adasamma no ma na ode suban pa nhwesoo etoo dwa. Abakosem edi ho adanse se, mmere bi na asore mmere aso, Komhyeni na maa Akristofoo bi a wobesraa no no bo mpae eyoo won asore wo n’asoredan no mu, wei ne Islam nkyerkyere kroggee no a Bohye Mesia no akyere se yede behye yen ho wo saa mmere yi mu na Huzur ede ne mfatoho no bi etoo dwa te se dee edi kan yede too dwa no. mmere yi mu kandini no hye yen se yede saa nkyerkyere yi beto dwa na na owo anidaso bi na okaa se bebiara a wobesi wo asoredan wo saa adwene wei mu no, wobebue akwanya foforo de ama Tabligh ene Islam, okaa se nkurofo betwe aben Islam

ama yen dodo no ako esoro! Na wei na ewo se yede si yen ani so na yede si asoredan sedee ampara yeyo no, wei ne nkyerekyere a nsemtwerefoo no de to dwa na wotwe afoforo ebata ho.

Onipa no a ote kwan ho ene akandifoo ene amanyofoo nyinaa ehunu no pefee se wo kwan baako so no ye basabasafoo kuo a wonom dwumadie ne osese ene akunkumakunkum ena kwan foforo nso so no ye Jamaat no a ere bo mmoden biara se odo, korye ene asomdwoee na ebeto dwa ho. Wo efa bi so no ye won a wofre won ho Muslimfoo no asoredan a wonam Nyankopon ene Ne Komhyeni no din mu de yo basabasa na efa foforo so no nso ye nnsoredan a asomdwoee nkoa na woka ho asem ene won agyinasem, yewo odo ma obiara na yen ntan obi. Saa nsem yinom twetwe wonom na ema wonom ehwehwe nsonsonoe a eda saa Muslimfoo mmieniu yi ntamu, wei ma wonom ko so ehwehwe jamaat no wo abeefo kwantenpon so.

Huzur de too dwa se, onyaa kwan hyiaa Ireland mmrahye bedwafoo no mu bi wo nna mmieniu a atwa mu no, baako de too Huzur anim se mmodenmo a Ahmadiyya Jamaat no de to dwa fa asomdwoee ene mfasoo a ewo nipa ho no, yere nhunu no wo Muslimfoo kuo biara mu. Okaa se, oyee nhwehwemu paa ansaana ore nya saanssem yin a opee se nka Jamaat no besan asi asoredan wo Dublin a eye ne bronoo! Ene se, Nyankopon edi nkurofoo anim ma wohwe wo mfonyini no fa bi mu, a eye mfonyini krogjee na edi mu fa Islam ho no Ahmadiyya Jamaat a eye Komhyeni Kronkron no akyidifoono de to dwa no.

Enni se yema yen ani gye se y'asi asoredan na ewiase no nyinaa ahunu no wo MTA so, edwabo bi bekoso anwumere yi a eno mu no, adesuafoo ene ahoho afoforo no benya kwan ahunu asoredan no na wonom behoahoa n'fe a eye na da foforo nso no nkurofoo pii a wofiri saa bronoo yi ene afoforo so beba abehwe saa asoredan yi. Ebeye wo anigye se nkurofoo pii abesra saa asoredan yin a eno no wo botae ahye ma, wei nte saa, nsem afoforo pii nso ewo ho a ede asedee eto wo so na ewose Ahmadiyya ni biara ede to n'adwene so fa senee obema wei ahye ma. Sedee Huzur de too dwa no, edeen na y'asoredan no ka na ede to dwa, annye saa yen nsemka no mfasoo biara mma so na yede ewiase no beko nnaadaa mu; yen abraboo botae ne se yebesoo Nyankopon ani na enye eno na yen adwene ewo soo.

Kuran kyefa no a ehyee ase no kasa fa won a woba asoredan mu na wohye no ma no won suban, yede saa asem esusu Ka'aba no na afei nso nsoredan a nkurofoo a wowo saa suban yi ahye mu ma no, Nyankopon a Okron no aka no wo bea foforo se won a woka agyidifoo no ho no: '.....nanso nkurofoo a wogyee die no wo odo a eye den na ekyen won dee no ma Allah..... (2:166) Wiase yi mu do biara nni ho a ebetumi ahye won so na wonom toko so see won mere se dee ebeye a wonom benya Nyankopon do. Wonom were enfiri Nyankopon do enfa mpe wiase yi mu anya dee efiri se Nyankopon do hia firi yen ho se yede Ne mmeranssem no beko nneyoe mu, ehia firi yen ho se yebe som No. wontumi nfa asem bi ntwitwa engye woho tese obi adwuma mu na ode behwere n'asore na woatwa atoroo de benya nneoma ho nfasoo. Ewo se obaako gyae na okyere ne do a owoo ma Nyankopon se eno eye dodo anaa odo a owoo ma wiase yi mu nfasoo. Se wiase yi mu do retwe nipa afiri Nyankopon meranssem ho a na wiase ho do reko soro,

Anohoba Mesia (NN) no kaa se: 'Ewo se yehunu se Nyankopon ho animonyam hye no enhia ogyedini do se obe do biribi foforo biara. Gyedie da yen akomma so na ebetumi aboyen ho ban gye se yeanfa biri biara ammata Nyankopon do no ho.'

Muslimni biara gye Nyankopon ne Komhyeni no di na woaye krado se obekum na ode n'enkwa atoho ama wei. Yente enfiri Muslimni biara ho se obeka se onno Nyankopon ne

Komhyeni Kronkron no (NNN). Nanso emu dodoɔ sen na edi Nyankopɔn ne Komhyeni mmera so? Yenfa asɔreyɛ. Ewɔ yɛ hwɛ asɔre na yɛ hunu sɛ yɛ yɛ asɔre no wɔne kwan so pɛpɛpɛ anaa. Bebreɛ ka sɛ wɔnom yɛ asɔre mperensa anaa nnan da koro, ebinom yɛ asɔre ntem tese wɔnom reyi adesoɔ bi afiri wɔn so. Asɔreyɛ yɛ kwan a yɛde ben Nyankopɔn na ɛkyere Nyankopɔn dɔ nso. Sɛ yeansesa kwan a yɛ faso yɛ asɔre no a, na yen hyɛ Nyankopɔn dɔ kwan asedee no ma.

W'atwerɛ afa wɔnom a wɔn agye adie no ho sɛ sɛ wɔ frɛ wɔ a efa neɛ a Allah ne ne Komhyeni ahyɛ yen no a, wɔnom ka sɛ: yeate na yeaye sɔtie. Ewɔ sɛ yɛde yen ho kyere efa saa asem wei ho. Wei nko ara beka yen tebea akyere yen. Kur'aan Kronkron no ama meransɛm bebreɛ a Anohoba Mesia (NN) akyere sɛ wɔnom yɛ meransɛm 700 na waka sɛ obi a w'anni sɔɔ no na ɔrehw neho afiri Anohoba Mesia (NN) no nkyɛn. yen gyedie bedimu anaa bewie pɛyɔ gyese yɛ yɛ di saa mmeranse no nyinaa so. Nipa bereɛ de wɔn ano ka sɛ wɔn gye dankwama no di nanso emu bebreɛ na enye ho adwuma. Sɛ gyedie wɔ dankwama no yɛ nokware a ɔbaako gyae nneɔma pii. Y'anida wiase mmera no so na wɔnom twe yen firi nneɔma pii ho. Ne nyinaa akyi no yɛ tu anamɔn bɔne efiri sɛ yendwene dankwama no ho. Ye bɔ mpaɛɛ de serɛ wiase yi mu anisoadehunu; yɛkɔ asɔre dan mu enam neɛ a nkurɔfoɔ ka enti! Wɔnom a wɔn gyedie no kɔ asɔredan mu wɔ Nyankopɔn kwan so enti na wɔnom bɔ afɔrɛɛ de hwehwe Nyankopɔn anigyee na wɔnom ensuro obiara gyese Nyankopɔn. Amapa ara sɛ, Nyankopɔn aka sɛ nkurɔfoɔ a wɔnom enka wɔn gyedie kwa no hunu sunsum mu mmoa ne adom na nkunimdie akwan nyina ara bua ma wɔn.

Eye Nyankopɔn adom ma Jama'at Ahmadiyya sɛ W'ama yen agyidifoɔ a wɔnom nfa wɔn ano enka wɔn gyedie kɛkɛ na mmom wɔnom hwehwe Nyankopɔn anigyee na wei na eye ahinta sɛm a ɛma Jama'at no retumpɔn. sɛ yɛ pese yɛ beka wei ho a, ewɔ sɛ yɛmu biara bune ho akonta wɔ abere nyinaa sɛ deɛ ɛbeyɛ a Ahmadiyyani berema ne ɔbaa biara ennhwere saa nhyira yi. Momma yen suro ennye wiase wei mu na mmom enye neɛ a ene Nyankopɔn dɔ no ɛmmɔ abira na y'anisoade hunu enye deɛ a ennsɔ N'ani.

Saa bere yi a y'asi asɔredan yi wiase no ani rebedane wɔ yen so. Yenhwɛ yen ho enkyɛn abere biara na yemmɔ mmɔden na yennfa yen ho enwura Nyankopɔn mmeransɛm no mu afei saa nko ara na yebetumi abɔ wɔn a wɔnom reba saa asɔredan yi ho ban. Nyamsemka akwan bebreɛ na ɛbebue na ampa ara wɔnom rebue. Nkurɔfoɔ besera saa asɔredan wei sɛ deɛ nkurfoɔ sera y'asɔredan no. Enam wiase tebae no enti ɛrema nipa ani aba Islam ho na ɛretumpɔn yie. Bere a nkurfoɔ Islam nfonini papa afiri yen nneyɔɛɛ mu no ɛbe yɛ wɔ nwanwa yie. Asodie a eda wɔnom a wɔn te aha so no akɔ soro yie. Huzoor kaa sɛ ɔresan aka wei bio enam sɛ seisei Ahmadiyyafoɔ a wɔnom Ireland no anya suahunu. ɛmere bia na Ireland Jama'at no sua no na obiara enim no. seisei asɔredan fɛɛfɛɛ yi a wɔnom asi yi ene ne minaret asisoɔ no rekyere Jama'at no akyere wiase da biara. ɔgyee a ɛrekɔso saa anyun mere yi Insha Allah ɛbekyere akyere mantam hɔ nkyekyɛmu nyinaa. Dawuru dɔ nkerataa ahyɛ aseɛ retwerɛ kakera fa yen ho na saa adwuma yi beko soro. Saa asɔredan yi entwe adwene enfiri Galway nkurfoɔ hɔ nkoara. Akuro akeseɛ mu nkurfoɔ nso adwene betwe aba so nab ere a wɔnom nso benya akwanya no wɔnom nso besera ha. Wei aye yen suahunu wɔ akuro afoforɔ so.

Nyamsemka pepa mu betere na saa Ahmadiyyafoɔ be hia sɛ wɔnom betere wɔn nimdee mu na wɔnom mmɔ mɔden sɛ wɔnom de wɔn nneyɔɛɛ no beyɛ neɛ a Anohoba Mesia (NN) no rehwehwe afiri yen hɔ no bia. Saa adeɛ yi a ɔrehwehwe gyina sɛ yɛbedi Kur'aan Kronkron no mmeransɛm so. Yemmu suban a wiase no betwe aben yen. saa aburokyire man yi besi nne da so di som akyi sɛ mmpo asikafoɔ ne ahiafoɔ nyinaa yi wɔn ho sɛ wɔnom yɛ

Akiristofos na wonom hunu no se eno na eye nkwa gye kwan a egyina Yesu (NN) so. Ewo se yeka kyere won se afa yen kyerekyere mu no Yesu (NN) ye Nyankopon Somafo nokwani a zhyee nee a Nyankopon hyee noo no ma wo kwan pa soo na afei ofiri wiase yi mu. Obaakofos Nyankopon Baako pe no na eye tumi nyinaa akyiri akwan na Oye wiase nyinaa Wura na eye Ono nkoara na Yesu (NN) ne ne hoteni maame som noo. Afei enam nkomye a Akomyefos a wonom di kan no ahye no Komhyeni Kronkron no de Shariah a ewie peye na ebaee. Na eye saa Shariah yi a ewei peye yi na nkwa gye wo mu na enam eno mu na obaako betumi ado wiase wei no dankwanma. Se etee biara no, obi entumi enfa n'ano keke ennya gyese yede yen nneyoee kyere se Islam ye esom a ete ase na enam Komhyeni Kronkron (NNN) no so na Anohoba Mesia (NN) abere nso aba. W'ama yene Nyankopon anya twaka bi; Nyankopon na a Otie na Ogye yen mpaee to mu no, na Ono na Orekyere Ne nsenkyerene enam N'enkomye no so. seisei ye ne Nyankopon ntamu twaka pa no betumi ahyema gyese enam Anohoba Mesia (NN) no so!

Yebetumi aka wei akyere afororo wo bere a yeho empopo anaa yebehia se yebedwene ho ansana y'aka? Yee ye nwanwa afa se se afororo ne yen twe efa mpaee tie ho a yen tebea fata se yempaee gyeto mu? Ye ne Nyankopon twaka no ne deen? Se daabi a, yebesi sen na y'atwe afororo na y'aka akyere won se nee a wo hyee ne ho nkam no aba? Nkurufos emisa yen se edeen nsesaye na Anohoba Mesia (NN) no de aba yen aberabo mu a yereka kyere wonom se won nnfa nsesaee pa emmera won aberabo mu no? wonom betumi abisa yen se bia na ye retwa ntoro wo yene Nyankopo twaka mu no se yebetumi de ato yensa afere won wo kwan wei so.

Wonom betumi aka se mo gyidie kyere mo se mo som Nyankopon de ahye Nyankopon asodie no ma, esi pi se Koran Kronkron aka se Nyamesom ne botae a nipa mboee gyin so na wei nti na woboo nnipa. Wonom betumi abisa mpre dodoo a ye yo nkabomu asore , wonom betumi aka akyere se ewomu se y'asi asoredan feefe nanso no fe paa ara edimu ne se asomfo no behye wonom asodie ma na wei na ekoron no. Wobetumi abisa se ye yo Sala num no nyina ara wo asoredan mu a, wobetumi abisa ye se yehye nnipa asodie ma a, Koran Kronkron no se ye ne nnipa a ye di mu na W'abo ye ma afororo no yieyo efirise ye hye papa na ye bra bone. Asembisani no betumi abisa ye se, anaa ye hye y'asodie no ma wo abere a yerehye papa keke se enyesaa enee na yen daa no adi na yen hwe se yede dee yeka to dwa no ko nneyee so a? Wobetumi abisa yen se wabere a ye kase yen daa suban papa adi nkyere y'abusua ne nnipa nyinaa, anaa ye suban ne dee yeka no ko benkoroo mu? Wobetumi akase yekase yen hye ye bohye ne ye gyidie a nnipa wo ye mu ma, nanso yehye saa bohye ne gyidie no nyinaa ma anaa? Wobetumi akase ye kasa fa aforebo ne ahobrasee ho, nti yekyere wei wo ye kasa ne nneyoee mu anaa?

Wobetumi abisa yen afa y'asem a yekase Islam kyere ye se yen dwen papa fa ye nua ho, na wobebisa se ye da wei adi wo y'abrabo mu a. Wobetumi akase mpo ye se Koran Kronkron no kyere nokoredie nanso wonom ahunu ye se yere twa atoro nam wiase apedee nti, wonom a woben ye betumi aka wei. Wobetumi abisa ye se yese Islam kyere ye se yen hye y'abufuo so na esan kyere ye se yen fa bone nkye , nanso ye yo wei wo ye daa abrabo mu anaa? Wobetumi aka se ye ka kyere won se Islam nkyerekyere fa perperyo ho ye fe na edi mu yie paa ara mano base mpo enise y'atamfo ho abufoo ma bra perperyo; nanso anaa y'aduru saa gyinabre wei a yetumi de afororo bo kye wonom? Wobetumi akase Koran mmrasem no nyina ara ye ka kyere wonom ye nanso yede ko nneyoee so anaa? Wobetumi akase wo abere a yeka fa muslimkuo nkaee no se wowo wonom tebea wei mu enam se wonom ngyee Anohoba Mesia no ntoo mu nti, na wore kumkum wonho wonho na won ndaa: '... woye

ntimmoboro ma won ho won ho...’ (48:30) na esipi se woyo dee ene wei bo abira. Emom ye a mose mo agye Anohoba Mesia no adi, ewose mo nneyoee nyina ara ne Koran no nkyerekyere no ko! Na mobeyeden na mo afre afororo ako homhom ne nsesaee papa mu wo abere a mo ne wonom yeye, enee na nsesaee ben na eda yen tamu?

Abere a wonim Ahmadiyyani se Ahmadiyyani, ema n’asodie ye kese, won nye Ahmadiyyani keke na emom osan ye Anohoba Mesia no nanmusini na wei nti na Anohoba Mesia no kaaee mmere bi se, menfa yen ko animguasee biara mu abere a woka yeho. Wei ye adehia paa ara a ewose Ahmadiyyani biara de wei to n’adwene so na se ye yo saa yebeyo Ahmadiyya ananmusifoo na ebetwe afororo no nso. Na wabere a ye beye Anohoba Mesia no nso ananmusifoo na yerehye Tabligh asodie no ma na saa ara nso na yebe boa ewiase no ma w’asesa won akwan na yensa beka Nyankopon nhyira ne adom. Ewose ye yere yenho wo saa kwan wei so; ewose yeyo sala mpre enum wo nkabomu mu ne kwan faefe so, na yehye asoredan asodie ma, na enese yebeyo asore wo mu seeye nhye asore anaa ope asore, ewose yeyo de pe Nyankopon twaka, wei ye adehia ewose ye ma y’adwene ko so se yebehye no ma, ewose mmarimaa ne mmayewa hu na wote wonom asodie no ase.

Ye de anigyee ka kyere wonom a wote Ireland se yede saa asoredan wei ato Hazrat Mariam a oda wonom akoma so yie paa enam se oye Yesu maame. Nanso onda y’akoma so se oye Yesu maame keke nti, emom enamse Nyankopon anigyee neho enam ne kronkronyo nti na Okakyeree agyidifoo se won fa ne nneyoee no bi. Hazrat Mariam boo ne nsumae ho ban efirise na owo suro ne odo ma Nyankopon, na oye sotieni kese ma Nyankopon na na osan ye nokwafoo, Nyankopon ahye gyidini kan biara se onfa Hazrat Mariam su no a eye ogyidini kan su.

Oretu mma, mmofra ne mpanin, fo Huzoor kaase se Irelandfoo bu Hazrat Mariam keke na wonnhwe se wobefa ne su no a, enee na wei ye mmereyo won afa so, muslimfoo, mma ne mmeema, nhwe se yebe sotiefoo sedee na Hazrat Mariam tee na won di Nyankopon mmrasem biara so. Saa mmrasem yi baako ne suban papa ne purdah yo sedee w’aka wo Koran kronkron mu, na wo Nyamesom mu no ewose yema y’adwene ko yen taade hye mu.

Nyankopon mmoa ma obiara bo n’abrabo wo N’edo mu na emma yen tumi nye agyidifoo kan! Na nnye se yede yeho behye wiase mu, na yen hye y’asodie fa Nyakopon ne som ho ne yeho yeho asodie no ma.

Anohoba Mesia no se: ‘ meka wo nokore mu se saa me mmaee wei firi Allah ho ma wonom a wotiri ye, nhyira ne wonom a wode won ho ma no. Enise wonom a wowo mo mu a wone me wo twaka ma wonho wonho so na woya atinka se won nsa aka biabiara a wohia se won nsa ka, esipise se yeye ntotoho fa mo ne wonom a w’apo me no a, mo dimu kyen wonom enamse wonom ahye Nyankopon abufuo efirise w’apo me dendan. Eye nokore se more hye den wo mo gyidie den mo aye ahweyie wo Nyankopon abufuo ho, nanso nokore ne se mo aba bea Nyankopon abo nsuo a ema daa nkwa wo saa mmere wei mu, emom afei na mobenom saa nsuo no. mo sre ahoden nfiri Nyankopon adom ne ne nhyira no mu sedee ebeye mo ma, efirise bibiara nntumi nnkwati Nyame nsi, me nim pefee se obiara a obenom nsuo yi bi nko osei mu efirise ne nsuo no ma nkwa na eyi nnipa firi osei mu na esan bo ne ban firi bosam nhyehyeee ho. Kwan ben na yebefa so amen wo wei ho? Ampaara, enese wobehye saa asodie mienu no a Nyankopon de ama wo, baako ne Nyankopon asodie na dee ekaho ne n’abodee no dee.

Huzoor boo mpae se Nyankopon mmoa ye ma yen ntumi nsre N’adom wo saa nsuo wei mu na Onfa N’adom no ngu asaase no so.

Afei Huzoor kasa faa Maryam asoredan no ho, Huzoor na etoo ne fapim boo wo afe 2010 mu, esi asaase ketewa bi so, otoo no wo afe 2009 mu, na neboo ye €515,000 na osan

de €10,000 kaaho sii edan no. Asoredan ne pueemu kabomu a etumi fa asomfoɔ 200, na esan wo bea wode ahyen si. Bea a ewono ye paa ara, ewo bea bi a nnipa beye 40,000 baho bedi afahye, na wotumi hunu asoredan no firi saa bea no, na wei beton asoredan no.

Maryam asoredan no wo bea a dwumadie ekoso yie paa a nipa aha ene mpem mpem na etwa mu dabiara, asukuufoo ahomegye bea ewoho na Galway wiemuhyen gyanabea nso firi ho no ye sima du. Akyire no, jamaat no too agyapadee mmien bi a ewo twaka na eno nso ema ahomegye ye paa, yesre Nyankopon se Ode n'nyira no begu saa asoredan yi so na yesre nso se Ireland temanmufoɔ no nso bebɔ won ho mmoden ahye saa asoredan yi asedeɛ no ma.

Translated by: 1. Master Bashirudeen Mahmood Ahmad Sahib  
(Second year student, Jamiatul Mubashireen, Ghana)  
2. Master Ismail Kweku Frimpong Sahib  
(Second year student, Jamiatul Mubashireen, Ghana)  
3. Master Effah Wahab Musah Sahib  
(Second year student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)

Contact: [www.jamiatulmubashireen.org/contact-us](http://www.jamiatulmubashireen.org/contact-us)